

15 მაის
2018 წ.



საიპ საქართველოს ტექნიკური უნივერსიტეტის რეზორტის

ბრძანება № 05-04-11/153

ქ. თბილისი

13 03 2018 წ.

სამართლისა და საერთაშორისო ურთიერთობებისა და
ბიზნესტექნოლოგიების ფაკულტეტებთან „ბიზნესისა და სამართლის ინსტიტუტის“
შექმნის შესახებ

„უმაღლესი განათლების შესახებ“ საქართველოს კანონის 22-ე მუხლის, სტუ-
ს წარმომადგენლობითი საბჭოს (სენატი) 2018 წლის 14 თებერვლის №01-06-02/10
დადგენილების საფუძველზე

ვ ბრძან ებ:

სამართლისა და საერთაშორისო ურთიერთობებისა და
ბიზნესტექნოლოგიების ფაკულტეტებთან შექმნას „ბიზნესისა და სამართლის
ინსტიტუტი“ 2018 წლის 14 თებერვლიდან.

რექტორი

>

არჩილ ფრანგიშვილი



საქართველოს მთავრობის უნივერსიტეტის
ფინანგთა და მოწვევის სამინისტრო
დადგენილება № 01-06 - 02/10

ქ. თბილისი

14 ოქტომბერი 2018

სამართლისა და საერთაშორისო ურთიერთობების და ბიზნესტექნოლოგიების ფაკულტეტებთან „ბიზნესისა და სამართლის ინსტიტუტის“ შექმნის და მისი დებულების დამტკიცების შესახებ

„უმაღლესი განათლების შესახებ“ საქართველოს კანონის მე-18 მუხლის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის – საქართველოს ტექნიკური უნივერსიტეტის წესდების“ მე-11 მუხლის, სტუ-ის აკადემიური საბჭოს 2018 წლის 14 თებერვლის №01-05-04/17 დადგენილებისა და წარმომადგენლობითი საბჭოს (სენატი) 2018 წლის 14 თებერვლის №1 ოქმის საფუძველზე საქართველოს ტექნიკური უნივერსიტეტის წარმომადგენლობითმა საბჭომ (სენატი) დაადგინა:

1. სტუ-ის სამართლისა და საერთაშორისო ურთიერთობების და ბიზნესტექნოლოგიების ფაკულტეტებთან შექმნას „ბიზნესისა და სამართლის ინსტიტუტი“ და დამტკიცდეს მისი დებულება;
2. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში, მდებარე: ქ. თბილისი, დავით აღმაშენებლის ხეივანი მე-12 კმ., №6.

სტუ-ის წარმომადგენლობითი საბჭოს (სენატი)
სპიკერი, პროფესორი

ჯგუფ გახოკიძე

საქართველოს ტექნიკური უნივერსიტეტი

ბიზნესტექნოლოგიების ფაკულტეტი
სამართლისა და საერთაშორისო ურთიერთობების ფაკულტეტი

ბიზნესისა და სამართლის ინსტიტუტი

დ ე ბ უ ლ ე ბ ა

მიღებულია საქართველოს ტექნიკური
უნივერსიტეტის აკადემიური საბჭოს მიერ
14 თებერვალი_ 2018 წ., №010504/17 დადგენილებით,
და დამტკიცებულია წარმომადგენლობითი საბჭოს (სენატის)
მიერ 14_ თებერვალი_ 2018 წ., №010602/10 დადგენილებით.

თბილისი
2017 წ.

თავი I

ზოგადი დებულებები

1. ბიზნესტექნოლოგიებისა და სამართლისა და საერთაშორისო ურთიერთობების ფაკულტეტების ბიზნესისა და სამართლის ინსტიტუტი საქართველოს ტექნიკური უნივერსიტეტის (შემდგომში: „სტუ“) აღნიშნული ფაკულტეტების სტრუქტურაში მყოფი სამეცნიერო-კვლევითი „სტრუქტურული ერთეულია, რომელიც შექმნილი და დამტკიცებულია სტუ-ს აკადემიური საბჭოს 2018 წლის _14_თებერვლის №010504/17 დადგენილების და წარმომადგენლობითი საბჭოს (სენატი) 2018 წლის 14 თებერვლის №010602/10 დადგენილების საფუძველზე.
2. ინსტიტუტი თავის საქმიანობას წარმართავს საქართველოს კონსტიტუციის, უმაღლესი განათლების „შესახებ“ საქართველოს კანონის, სტუ-ის წესდების, წინამდებარე დებულების, საქართველოში მოქმედი კანონმდებლობის შესაბამისად;
3. ინსტიტუტი ფინანსდება ინსტიტუტის ფუნქციონირებისათვის ფაკულტეტების მიერ გათვალისწინებული სახსრებით, აგრეთვე შეიძლება დაფინანსდეს სახელმწიფო დაწესებულებების და სხვა დაინტერესებული მხარეების ბიზნესისა და სამართლის სფეროს განვითარებისათვის დაკვეთილი კვლევების (ნორმატიული აქტების პროექტები, კონცეფციები, სახელმწიფო პროექტები და სხვა) დაფინანსებით მიღებული ფულადი სახსრებით და შემოწირულობებით;
4. ამ მიზნით იგი შუამდგომლობს ფაკულტეტებისა და მისი მეშვეობით უნივერსიტეტის წინაშე საკვლევი პროექტების დამტკიცების და მათ შესასრულებლად შესაბამისი ხელშეკრულებების გაფორმების თაობაზე;
5. საჭიროების შემთხვევაში, ინსტიტუტს შეუძლია იშუამდგომლოს დადგენილი წესით უნივერსიტეტის წინაშე, როგორც საქართველოს, აგრეთვე, სხვა ქვეყნის სპეციალისტების და ექსპერტების დროებითი მოწვევის და მათთან სათანადო შრომითი ხელშეკრულებების გაფორმების თაობაზე;
6. რექტორის, ვიცე-რექტორის, სამეცნიერო დარგში რექტორის მოადგილის, აკადემიური საბჭოს, წარმომადგენლობითი საბჭოს (სენატი) და

ფაკულტეტების საბჭოების მოთხოვნით შეიძლება ჩატარდეს ინსტიტუტის ანგარიშის რიგგარეშე მოსმენა და განხილვა.

თავი II

ინსტიტუტის საქმიანობის ძირითადი მიმართულებები,
მიზნები და ამოცანები

1. ინსტიტუტის სამეცნიერო-კვლევითი ა საქმიანობის ძირითადი მიმართულებებია:
 - ა) ბიზნესისა და სამართლის საკითხებზე, აგრეთვე სახელმწიფო მართვის პრობლემებზე სამეცნიერო-კვლევით პროექტებზე მუშაობა;
 - ბ) ბიზნესის, ასევე სახელმწიფოს ეფექტური ფუნქციონირების სამართლებრივი უზრუნველყოფის პროექტების დამუშავება;
 - გ) საგადასახადო სისტემის ბიზნესისა და სამართლებრივი პრობლემების გადაჭრის პროექტების დამუშავება;
 - დ) ბიზნესისა და სახელმწიფო მართვის პრობლემებზე კანონმდებლობის სრულყოფისათვის ნორმატიული აქტების პროექტების და კონცეფციების მომზადება;
 - ე) მონაწილეობა ფაკულტეტების კომპეტენციაში შემავალი უმაღლესი საგანმანათლებლო პროგრამების მომზადებასა და განხორციელებაში;
 - ვ) ორგანიზება ან/და მონაწილეობა სხვადასხვა დონის (ადგილობრივი, ეროვნული და საერთაშორისო) სამეცნიერო კონფერენციებსა და სხვა სამეცნიერო ღონისძიებებში საკუთარი ან მომიერული ფინანსური უზრუნველყოფით;
 - ზ) თავისი კომპეტენციის ფარგლებში თანამშრომლობა ხელშეკრულებების ან/და მემორანდუმების გაფორმება ერთობლივი სამეცნიერო-კვლევითი პროექტების შედგენისა და განხორციელების მიზნით საქართველოსა და უცხოეთის უმაღლეს საგანმანათლებლო და სამეცნიერო-კვლევით დაწესებულებებთან;
 - თ) სამეცნიერო კონფერენციების მასალებისა და სხვა სამეცნიერო შრომების (სამეცნიერო სტატიების, მონოგრაფიების და სხვა) მომზადება და გამოცემა;
 - ი) საექსპერტო და საკონსულტაციო საქმიანობა;

- ვ) სათანადო მოთხოვნის არსებობის შემთხვევაში, უცხოელ პროფესორ-მასწავლებელთათვის სტაჟირების ორგანიზება და სათანადო კურსების მოწყობა ბიზნესის და სამართლის დარგებში;
- ღ) საქართველოს კანონმდებლობითა და დამოუკიდებელი სამეცნიერო-კვლევითი ერთეულის დებულებით გათვალისწინებული, და აგრეთვე სხვა სამეცნიერო-კვლევითი და საორგანიზაციო საქმიანობის განხორციელება ბიზნესის, ხამართლისა და სახელმწიფო მართვის სრულყოფის მიზნით.

2. დასახული ამოცანების მიზნით ინსტიტუტი:

- ა) მჭიდროდ ითანამშრომლებს ინსტიტუტის ძირითადი მიმართულებებით გათვალისწინებული პრობლემებით დაინტერესებულ სახელმწიფო დაწესებულებებთან (საქართველოს პარლამენტი, საქართველოს მთავრობა, საქართველოს იუსტიციის სამინისტრო, საქართველოს უზენაესი სასამართლო, საქართველოს ეკონომიკისა და მდგრადი განვითარების სამინისტრო, ფინანსთა სამინისტრო, პროკურატურა, შინაგან საქმეთა სამინისტრო, სახელმწიფო უსაფრთხოების სამსახური, საგარეო საქმეთა სამინისტრო), და აგრეთვე საერთაშორისო ორგანიზაციებთან და ამ პრობლემებით დაინტერესებულ უცხოელ და ქართველ სპეციალისტებთან;
- ბ) ორგანიზაციას გაუკეთებს და მოაწყობს შემუშავებული პროექტების მიხედვით მიღებული კვლევის შედეგების პრეზენტაციას სახელმწიფო დაწესებულებებში, საერთაშორისო ორგანიზაციებში და სხვა.

თავი III

ინსტიტუტის პერსონალის მიერ დამუშავებული პროექტების კვლევის შედეგად მიღებული სამეცნიერო პროდუქცია

- ნაშრომები, სტატიები (გამოქვეყნებული საერთაშორისო და ადგილობრივ სამეცნიერო ჟურნალებში და საერთაშორისო კონფერენციების მასალებში);
- მონოგრაფიები, სახელმძღვანელოები, დამხმარე სახელმძღვანელოები;
- წინადადებები, კონცეფციები, ნორმატიული აქტების პროექტები;
- მონაცემთა ელექტრონული ბაზები მიმართულებების მიხედვით.

თავი IV

ინსტიტუტის სტრუქტურა და მართვა

1. ინსტიტუტის მართვას ახორციელებს ინსტიტუტის დირექტორი, ხოლო სამეცნიერო მუშაობას - სამეცნიერო ხელმძღვანელი. ინსტიტუტის დირექტორი და სამეცნიერო ხელმძღვანელი ინიშნება უნივერსიტეტის რექტორის მიერ, ფაკულტეტების დეკანების წარდგინებით. ინსტიტუტის დირექტორის და სამეცნიერო ხელმძღვანელის თანამდებობები არ წარმოადგენს ადმინისტრაციულ თანამდებობებს;
2. ინსტიტუტის ორგანიზაციულ საქმიანობას ფაკულტეტების დეკანებთან შეთანხმებით წარმართავს ინსტიტუტის დირექტორი;
3. ინსტიტუტის სამეცნიერო საქმიანობას ფაკულტეტების დეკანებთან შეთანხმებით წარმართავს ინსტიტუტის სამეცნიერო ხელმძღვანელი;
4. ინსტიტუტის დირექტორი და სამეცნიერო ხელმძღვანელი შეიმუშავებენ ინსტიტუტის საქმიანობის პოლიტიკას და სტრატეგიას, განსაზღვრავენ სამუშაო თემატიკას, ანაწილებენ დავალებებს თანამშრომელთა შორის. ინსტიტუტის თანამშრომლები არიან სპეციალისტები;
5. ინსტიტუტის დირექტორი უფლებამოსილია:
 - ა) განახორციელოს კონტროლი ინსტიტუტის თანამშრომლების მიერ მათზე განპირობებული სამუშაოს დროული და სრული მოცულობით შესრულებაზე, შრომის ანაზღაურებასა და სხვა ადმინისტრაციულ ღონისძიებებზე;
 - ბ) განახორციელოს ინსტიტუტის ეფექტუანი მართვა და ფუნქციონირებასთან დაკავშირებული სხვა აუცილებელი საქმიანობა;
6. ინსტიტუტის სამეცნიერო ხელმძღვანელი უფლებამოსილია:
 - ა) მოაწყოს ინსტიტუტის მიერ მომზადებული სამეცნიერო შრომების, განხორციელებული/მიმდინარე პროექტების, გამოცემული სამეცნიერო ნაშრომების, ახალი სამუშაოების და ა.შ. პრეზენტაციების ორგანიზება;
 - ბ) მოამზადოს შესაბამისი ხელშეკრულებების პროექტები და გასაფორმებლად წარუდგინოს უნივერსიტეტის რექტორს.

7. ინსტიტუტის სამეცნიერო ხელმძღვანელს, საკუთარი კომპეტენციის ფარგლებში, ენიჭება პასუხისმგებლობა სამეცნიერო სამუშაოების და საგანმანათლებლო საქმიანობის მოცულობის, მიმართულებების, შესრულების ვადების, შინაარსის და ხასიათის განსაზღვრაზე;
8. ინსტიტუტს განცალკევებულად ქონება არ გააჩია და ის სარგებლობს ფაკულტეტების ქონებით;
9. ინსტიტუტს ჰყავს სამეცნიერო პერსონალი, რომელთა შემადგენლობა განისაზღვრება პროექტების სპეციფიკის და შესრულებული სამუშაოს მოცულობის გათვალისწინებით (პროექტების არსებობის შემთხვევაში);
10. ინსტიტუტის პერსონალი, ინიშნება და სამუშაოდან თავისუფლდება უნივერსიტეტის რექტორის მიერ, ინსტიტუტის დირექტორის (ფაკულტეტების დეკანებთან შეთანხმებით) წარდგინების საფუძველზე;
11. ინსტიტუტის პერსონალის შრომითი ანაზღაურება განისაზღვრება ფაკულტეტების საბჭოს მიერ ფაკულტეტების ბიუჯეტის და მისი დებულებით განსაზღვრული სხვა შემოსავლების გათვალისწინებით;
12. იურიდიულ და ფიზიკურ პირებთან ხელშეკრულებების გაფორმება ხორციელდება უნივერსიტეტში დადგენილი წესის და ფორმების შესაბამისად.

თავი V

ინსტიტუტის ქონება, ფინანსები და დაფინანსების წყაროები

1. ინსტიტუტის მისამართია: 0175 საქართველო, ქ. თბილისი, მ. კოსტავას ქ. №77;
2. ინსტიტუტი არ არის საფინანსო-საგადასახადო სისტემის განცალკევებული სუბიექტი. ის წარმოადგენს უნივერსიტეტის ბიზნესტექნოლოგიებისა და სამართლისა და საერთაშორისო ფაკულტეტების შემადგენელ ნაწილს, რომელზედაც ვრცელდება სტუ-ში ფაკულტეტებთან ფინანსური ურთიერთობების რეგულირების დადგენილი წესი;
3. გაწეული სამუშაოს ანაზღაურება წარმოებს ხელშეკრულების საფუძველზე;

თავი VI

ინსტიტუტის რეორგანიზაცია და ლიკვიდაცია

1. ინსტიტუტის რეორგანიზაცია ან ლიკვიდაცია ხორციელდება სტუ-ს შესაბამისი ადმინისტრაციული აქტებით დადგენილი წესის შესაბამისად.

თავი VII

დებულებაში ცვლილებებისა და დამატებების შეტანა

1. დებულებაში ცვლილებებსა და დამატებებს შეიმუშავებენ ინსტიტუტის დირექტორი სამეცნიერო ხელმძღვანელთან შეთანხმებით, რასაც განიხილავს უნივერსიტეტის აკადემიური საბჭო და ამტკიცებს უნივერსიტეტის სენატი

თავი VIII

დასკვნითი დებულებები

1. წინამდებარე დებულება მაღაში შედის უნივერსიტეტის წარმომადგენლობითი საბჭოს (სენატის) მიერ დამტკიცებისთანავე.